




UDRUŽENJE POSLODAVACA KANTONA SARAJEVO

E-mail: upfbih@bih.net.ba Web: www.upfbih.ba

Sarajevo,
M. Mustafe Bašeskije 12/3
Telefon: 033 264 830
Fax: 033 552 461

Sarajevo, 19.01.2022. godine
Broj: I-05/22

Bosna i Hercegovina
Federacija Bosne i Hercegovine
KANTON SARAJEVO
GRAD SARAJEVO
GRADSKO VIJEĆE / Odbor za dodjelu
„Šestoaprilske nagrade Grada Sarajeva“



Predmet: Prijedlog kandidata za dodjelu „Šestoaprilske nagrade Grada Sarajeva“ u 2022. godini – oblast privreda

Poštovani,

Nastavno na objavljeni *Javni poziv o uslovima i načinu predlaganja kandidata za dodjelu „Šestoaprilske nagrade Grada Sarajeva“ u 2022. godini* od 06.12.2021. godine, Upravni odbor Udruženja poslodavaca Kantona Sarajevo (dalje u tekstu UPKS) na osnovu *Odluke o podnošenju kandidature kompanije Alternativa d.o.o. za dodjelu „Šestoaprilske nagrade Grada Sarajeva iz oblasti privrede“ u 2022. godini* broj I-04/22 od 18.01.2022. godine donesene jednoglasno na Sjednici UPKS, dostavlja Gradskom vijeću - Odboru za dodjelu „Šestoaprilske nagrade Grada Sarajeva“ **prijedlog kandidata za oblast privreda, privredno društvo Alternativa d.o.o. sa sjedištem u ulici: Put Famosa 38, Hrasnica – Sarajevo** (dalje u tekstu: Alternativa).

Naime, UPKS je na sjednici održanoj 18.01.2022. godine, jednoglasno usvojilo prijedlog gospodina Safudina Čengića od 12.01.2022. godine, u vezi s nominacijom privrednog društva Alternativa ispred UPKS za ovu prestižnu nagradu.

Navedeni prijedlog sa detaljnim obrazloženjem se nalazi u prilogu ovog dopisa i čini njegov sastavni dio te vas upućujemo da sve važne reference vezane za ovu kompaniju pogledate u obrazloženju.

Prema našem jednoglasno usvojenom zaključku, Alternativa svakako zaslužuje nagradu obzirom da danas važi za jednog od najvećih izvoznika u Kantonu Sarajevo (46 miliona KM), te regionalnog

lidera u domenu proizvodnje profilisanih limova, termoizolacionih sendvič panela sa izolacijom od polirutana i kamene vune, limarske galanterije i pocinčanih kontejnera za primarno sakupljanje komunalnog otpada.

Svojom održivom ekspanzijom Alternativa je dala značajan doprinos zapošljavanju, dohotku i prihodima od poreza u cjelokupnoj privredi Kantona Sarajevo što se dalje indikretno reflektiralo na evidentan i jasan doprinos ukupnom unapređenju, promociji i razvoju grada Sarajeva, kao glavnog grada Bosne i Hercegovine.

Općenito smatramo da je došlo krajnje vrijeme da se privrednicima Kantona Sarajevo koji svojim poslovanjem direktno utiču na razvoj oblasti privrede koja predstavlja generički motor ekonomskog prosperiteta Grada Sarajevo i Kantona Sarajevo općenito, počne uručivati ovo priznanje obzirom da oni predstavljaju izvor ekonomskog rasta i vitalnosti Grada Sarajeva i Kantona Sarajevo a što se dalje reflektuje na sve sfere života građana u Gradu Sarajevo.

Sigurni smo da ćete prepoznati važnost kompanija poput Alternative koje, kao što smo ranije istakli, predstavljaju budućnost razvoja privrede, uslova života i standarda stanovnika Grada Sarajeva. Zbog toga, i onoga što su Alternativa, njen menadžment i uposlenici do sada uradili, predlažemo ovu kompaniju za dodjelu Šestoaprilске nagrade Grada Sarajeva u oblasti "privreda".

Prilozi:

- a) Odluka Upravnog odbora Udruženja poslodavaca Kantona Sarajevo
- b) Obrazloženje prijedloga kandidature kompanije Alternativa za Šestoaprilsku nagradu Grada Sarajeva za 2022. u oblasti privrede
- c) Pismena saglasnost kandidata o prihvatanju kandidature.


PREDSJEDNIK UPRAVNOG ODBORA
Dr.sci. Čengić Safudin, s.r.



UDRUŽENJE POSLODAVACA KANTONA SARAJEVO

E-mail: upfbih@bih.net.ba

Web: <http://www.upfbih.org>

Sarajevo,

M. Mustafe Bašeskije 12/3

Telefon: 033 / 264 - 830

Tel / Fax: 033 / 264 - 831

U skladu sa članom 33. Statuta Udruženja poslodavaca Kantona Sarajevo, Upravni odbor na svojoj XXV sjednici, održanoj 18.01.2022. godine donosi:

ODLUKU

**o podnošenju kandidature kompanije Alternativa d.o.o.
za dodjelu „Šestoaprilske nagrade Grada Sarajeva iz oblasti privrede“ u 2022. godini**

Član 1.

Kandiduje se kompanija Alternativa d.o.o. Sarajevo za dodjelu “Šestoaprilske nagrade Grada Sarajeva iz oblasti privrede” u 2022. godini.

Član 2.

Obrazloženje kandidature se nalazi u prilogu ove odluke i čini njen sastavni dio.

Član 3.

Pismena saglasnost Alternative d.o.o. Sarajevo o prihvatanju kandidature čini sastavni dio ove odluke.

Član 4.

Ova odluka stupa na snagu danom donošenja.

Sarajevo, 18.01.2022. godine

Broj: I-04/22





UDRUŽENJE POSLODAVACA KANTONA SARAJEVO

E-mail: upfbih@bih.net.ba Web: www.upfbih.ba

Sarajevo,
M. Mustafe Bašeskije 12/3
Telefon: 033 264 830
Fax: 033 552 461

Sarajevo, 19.01.2022. godine
Broj: I-06/21

**BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
GRAD SARAJEVO
GRADSKO VIJEĆE**

**- Odbor za dodjelu „Šestoaprilске nagrade Grada Sarajeva“ –
S a r a j e v o**

U skladu s odredbama iz Javnog poziva o uslovima i načinu predlaganja kandidata za “Šestoaprilsku nagradu Grada Sarajeva” u 2022. godini, Upravni odbor Udruženja poslodavaca Kantona Sarajevo dostavlja

O B R A Z L O Ž E N J E

prijedloga kandidature kompanije ALTERNATIVA d.o.o. Sarajevo za dodjelu Šestoaprilске nagrade Grada Sarajeva u 2022. godini - oblast privrede

Kompanija Alternativa d.o.o. Sarajevo ove godine obilježava 25 godina rada. Sada već davne 1997. godine započeta je priča o uspjehu, zasnovana na temeljima porodične tradicije privatnog biznisa dugog više od 120 godina. Alternativa je osnovana sa jasnim ciljevima razvoja koji su tada, zbog objektivnih poslijeratnih okolnosti, više nalikovali na snove nego na stvarnost. Na putu ka ostvarenju snova Alternativa krila su bila želja, entuzijazam i zalaganje menadžmenta i svih zaposlenih da opravdaju povjerenje poslovnih partnera i kupaca.

Po samom osnivanju, jedan od prvih koraka Alternative bio je trgovina metalima i metalnim proizvodima, da bi 2001. godine bio otvoren prvi pogon za profiliranje trapezних limova. Od tada pa do danas, Alternativa konstantno investira u najnovije tehnologije, te na taj način uspijeva konkurirati svojim proizvodima i na najzahtjevnijim tržištima Evrope.

Dolaskom na lokalitet Industrijske zone FAMOS, Alternativa je sukcesivno, od 2001. do 2010. godine, obnavljala nekoliko devastiranih hala. I pored toga što je Industrijski kompleks FAMOS-a bio potpuno uništen, teren miniran, a posljedice rata su bile vidljive na svakom koraku, vlastitim ulaganjem, te uz puni angažman svakog uposlenika kao i nesebičnu pomoć Elektroprivrede BiH,

lokalne zajednice, organa Kantona Sarajevo, Alternativa je uspjela renovirati porušeno, izgraditi savremene proizvodne hale čime su stvoreni uvjeta za početak proizvodnje.

Angažovanjem kvalitetnog kadra i kupovinom savremene opreme, tokom 2006. godine, na diskontinuiranoj liniji, otpočinje proizvodnja termoizolacionih panela čime Alternativa postaje prvi proizvođač ovih proizvoda na teritoriji Bosne i Hercegovine.

U cilju približavanja kupcu, početkom 2009. godine, Alternativa otvara proizvodni pogon u Banja Luci, te tako svoje proizvode čini dostupnim kupcima iz regije Banja Luka i regije Zapadne Bosne i Hercegovine.

Poslije ozbiljnih analiza tržišnih potreba i početka intenzivnijeg razvoja privatnog sektora, javila se potreba za instalacijom najnovije tehnologije u proizvodnji termoizolacionih sendvič panela. U martu 2015. godine, Alternativa je sa renomiranim talijanskim proizvođačem opreme ugovorila novu kontinuiranu liniju termoizolacionih panela, godišnjeg kapaciteta od dva miliona m² (kapacitet stare linije je bio 120.000 m²/godišnje). Ukupna vrijednost investicije iznosila je preko 12 miliona KM.-U august 2017. godine instalirana je i puštena u rad potpuno nova automatska linija dužine 240 metara, koja je do danas već proizvela više od šest miliona m² sendvič panela.

Alternativa je danas regionalni lider u domenu proizvodnje profilisanih limova, termoizolacionih sendvič panela sa izolacijom od poliuretana i kamena vune, limarske galanterije i kontejnera za prikupljanje komunalnog otpada.

Kompanija svoj intenzivni razvoj temelji na politici konstantnog ulaganja u nove tehnologije, edukaciji i specijalizaciji uposlenika i certificiranju proizvoda u skladu sa najnovijim evropskim standardima.

Alternativa je adekvatno reagirala na pojavu pandemije korona virusa. Vodeći računa o potrebama tržišta, zalihama i pravovremenim nabavkama materijala, uspjela je održati kontinuitet proizvodnje i ukupnog poslovanja te promptno odgovorila na sve zahtjeve kupaca.

Odlični poslovni rezultati ostvareni su tokom 2018. i 2019. godine, kada započinje intenzivan izvoz svih vrsta proizvoda Alternative. Uprkos brojnim poteškoćama i izazovima koje je donijela pandemija COVID-19, kompanija je tokom 2020. i 2021. godine ostvarila nadprosječne poslovne rezultate, te ujedno zabilježila rekordne prihode.

U sklopu projekta "100 najvećih u Bosni i Hercegovini" na osnovu zvaničnih podataka iz konsolidovanih izvještaja za 2020. godinu prikupljenih od relevantnih agencija, Alternativa je svrstana na 43. mjesto najvećih kompanija u Bosni i Hercegovini. Na osnovu ostvarenih rezultata u 2021. godini očekuje se pozitivan iskorak na listi najvećih kompanija.

Alternativini kupci su prepoznali vrhunske proizvode koji su im omogućili brzu izgradnju, odličnu termičku i zvučnu izolaciju, moderan izgled, dug vijek trajanja, bez posebnog održavanja, kao i velike uštede svih vrsta energije.

Povjerenje u proizvode Alternative iskazali su prepoznatljive domaće kompanije kao što su: Bingo Tuzla, MI Tulumović Banja Luka, Madi Tešanj, iForm Široki Brijeg, Imaco Systemtechnik Usora, Asa Šped Sarajevo, Penny Plus Sarajevo, Krajina Klas Banja Luka, Lafat Komerc Kalesija, Memorijalni Centar Potočari, Weltplast Posušje, TEM Mandeks Široki Brijeg, Prevent Visoko,

HIFA group Tešanj i Sarajevo, Almy Zenica, Baupartner Lukavac, Inžinjeri Jelah, Babić Jablanica, Skuter Sarajevo, Hercegovinalijek Mostar, Atal Group Sarajevo, Enco Sarajevo, Ovako Sarajevo, Nešković Bijeljina i mnogi drugi.

Alternativa je tokom 2017. godine osnovala vlastitu kompaniju u Beogradu, koja je na tržištu Srbije ostvarila izvanredne prodajne rezultate (na tržište Srbije tokom 2021. godine, iz pogona u Hrasnici, izvezeno je preko 1.200 šlepera vlastitih proizvoda). Najznačajniji objekti velikog broja privrednih subjekata u Srbiji izgrađeni su proizvodima nastalim u Alternativi. Također, kompanija svoje proizvode izvozi i na tržišta Hrvatske, Slovenije, Mađarske, Austrije, Njemačke, Nizozemske, Crne Gore, Kosova i drugih zemalja u Evropi.

Svoje povjerenje vrhunskim proizvodima Alternative ukazale su vodeće svjetske kompanije (Samsung, SK Network, Kia, Pepsi, Perutnina Ptuj, McDonalds) kao i najveće regionalne proizvodne i trgovačke kompanije.

Svih proteklih godina izvoz je konstantno rastao, da bi tokom 2021. godine dostigao rekordan iznos u visini 46 miliona KM, čime je Alternativu svrstao u red najvećih izvoznika Kantona Sarajevo.

Obzirom da se prethodna nabavka linije termoizolacionih panela pokazala kao veoma uspješna investicija, početkom 2020. godine potpisan je ugovor sa ranijim dobavljačem opreme o isporuci još jedne nove linije, čime će se doprinijeti smanjenju rokova isporuke i dvostruko većem proizvodnom kapacitetu. Vrijednost navedene investicije premašuje iznos od 10 miliona KM. Pokretanje nove proizvodne linije termoizolacionih panela očekuje se tokom proljeća 2022. godine.

Dobavljači repromaterijala koji se koriste u proizvodnji su renomirana evropska i svjetska imena u svojoj oblasti, pa time i proizvodi Alternative posjeduju vrhunski kvalitetu. Svakodnevna provjera kvaliteta proizvoda se obavlja u vlastitoj laboratoriji, po važećim standardima u ovoj oblasti.

Alternativa posjeduje certifikat o upravljanju kvalitetom ISO 9001:2015, kao i CE znak za izvoz svojih proizvoda na područje Europske unije. Također posjeduje sve potrebne certifikate kojima dokazuje kvalitetu svojih proizvoda, a koji su provjereni u najprestižnijim evropskim laboratorijama. Da bi bila u mogućnosti plasirati svoje proizvode na najzahtjevnija izvozna tržišta, kompanija je u potrebne certifikate i edukaciju uposlenih uložila skoro milion KM.

Alternativa danas zapošljava 130 stručnih i kvalificiranih kadrova, od kojih je svaki peti fakultetski obrazovan. Veliki broj radnika je školovan ili stipendiran vlastitim sredstvima kompanije, čime se stvorila značajna baza za dalji razvoj i unapređenje proizvoda i novih tehnologija.

Alternativa vodi posebnu brigu o svojim uposlenicima. Prosječna primanja u kompaniji su 50% veća od federalnog prosjeka. Redovna primanja omogućila su da uposlenici mogu zadovoljiti svoje potrebe. Poslovna filozofija Alternative podrazumijeva zapošljavanje mladih i perspektivnih kadrova, ali i bračnih drugove ili najbližih srodnika koji ispunjavaju propisane uvjete i sebe vide u porodici ove kompanije.

U cilju stvaranja povoljnih uvjeta za ostanak i nastavak rada mladih u BiH, Alternativa je pokrenula aktivnosti na kupovini zemljišta i pribavljanju potrebnih odobrenja za izgradnju stambene zgrade u Hrasnici gdje planira izgraditi stanove koje će, pod povoljnim uvjetima i uz minimalne cijene, dodjeli svojim radnicima.

U proteklom periodu, Alternativa se pokazala kao društveno odgovorna kompanija i odazvala se na mnoge akcije, zahtjeve za pomoć, obnovu kuća izbjeglicama, starim i iznemoglim osobama. U proteklih 25 godina, kompanija je pomogla obnovu velikog broja vjerskih objekata svih vjerskih zajednica.

Za pokazanu društvenu odgovornost i učinjena djela širom Bosne i Hercegovine, Alternativi je dodijeljen veliki broj zahvalnica i priznanja. Za dan općine Ilidža, Alternativi je od strane Općinskog vijeća dodijeljena Zlatna plaketa za ostvarene rezultate u privredi i nesebičan doprinos u razvoju lokalne zajednice.

Uzimajući u obzir sve navedeno, te prepoznatljivost u pružanju nesebične pomoći svim institucijama i društvima, smatramo opravdanim uputiti prijedlog da se ova kompanija, ispred Udruženja poslodavaca Kantona Sarajevo, kandidira za Šestoaprilsku nagradu Grada Sarajeva – oblast privrede u 2022. godini.

U očekivanju Vaše podrške datom prijedlogu, srdačno Vas pozdravljamo.

Sarajevo, 19. januar 2022. godine



U skladu sa dostavljenim prijedlogom predsjednika Upravnog odbora Udruženja poslodavaca Kantona Sarajevo o podnošenju kandidature kompanije Alternativa d.o.o. Sarajevo za dodjelu „Šestoaprilske nagrade Grada Sarajeva iz oblasti privrede“ u 2022. godini, dana 18.01.2022. godine dajemo

SAGLASNOST o prihvatanju kandidature

Ova izjava tiče se nominacije za Šestoaprilsku nagradu Grada Sarajeva privrednog društva Alternativa d.o.o. Sarajevo, onako kako je to niže opisano.

Informirani smo i dajemo svoju izričitu saglasnost o prihvatanju kandidature za Šestoaprilsku nagradu Grada Sarajeva a za koju me predložilo Udruženja Poslodavca Kantona Sarajevo.

Također, naglašavamo da se, poslovni podaci koji su dostavljeni u nominacijskom obrascu i pripadajućem obrazloženju, isključivo mogu koristiti u svrhu za koju su dostavljeni, odnosno za potrebe selekcije i izbora dobitnika Šestoaprilske nagrade Grada Sarajeva.

U Sarajevu, 18.01.2022. godine

Broj: 162/22

Zakonski zastupnik Alternativa d.o.o.

Salih Lemeš, direktor, s.r.



Regionalni centar Sarajevo

Broj: 02/6/II-16-11-20-23/22
Sarajevo, 05.01.2022. godine

Na osnovu člana 22. stav (1) tačka m) Zakona o Upravi za indirektno oporezivanje ("Službeni glasnik BiH", br.: 89/05), a po zahtjevu **ALTERNATIVA d.o.o. Sarajevo, Put Famosa 38, Ilidža**, Odsjek za poslovne usluge, na osnovu uvida u službenu evidenciju izdaje:

U V J E R E N J E

kojim se potvrđuje da **ALTERNATIVA d.o.o. Sarajevo, Put Famosa 38, Ilidža**, identifikacioni broj: **4200378810004** PDV broj **200378810004** na dan **05.01.2022.godine**, **NEMA** dospjelih a neizmirenih obaveza po osnovu indirektnih poreza, ostalih prihoda i taksi definisanih odredbama člana 1. stav (2) Zakona o sistemu indirektnog oporezivanja ("Službeni glasnik BiH" broj: 44/03, 52/04, 34/07 i 4/08) i člana 1. stav (3) Zakona o uplatama na Jedinstveni račun i raspodjeli prihoda ("Službeni glasnik BiH", broj: 55/04, 34/07 i 49/09) .

Uvjerenje se izdaje na zahtjev podnosioca zahtjeva, u svrhu učešća na tenderu, te se u druge svrhe ne može koristiti.

Administrativna taksa u iznosu od 20,00 KM po tarifnom broju 96, kao i taksa od 10,00 KM po tarifnom broju 83. Zakona o administrativnim taksama („Službeni glasnik BiH“, broj: 16/02, 19/02, 43/04, 8/06, 3/12, 98/12 i 19/14) je naplaćena.

Šef Odsjeka za poslovne usluge

Dostaviti:

Mersiha Terzić, s.r.

1. Podnosiocu zahtjeva
2. 02/6/II
3. a/a

BOSNA I HERCEGOVINA
FEDERACIJA BOSNE I HERCEGOVINE
FEDERALNO MINISTARSTVO FINANCIJA - FINANSIJA
POREZNA UPRAVA FEDERACIJE BOSNE I HERCEGOVINE
KANTONALNI POREZNI URED SARAJEVO
POREZNA ISPOSTAVA ILIDŽA

BOSNIA AND HERZEGOVINA
FEDERATION OF BOSNIA AND HERZEGOVINA
MINISTRY OF FINANCE
TAX ADMINISTRATION
SARAJEVO CANTONAL TAX OFFICE
ILIDŽA BRANCH OFFICE

Broj: 13-9/5-12-5-13-1/22 DH
Datum: 05.01.2022 godine

Na osnovu člana 7. Zakona o Poreznoj upravi Federacije BiH ("Sl. novine Federacije BiH", broj: 33/02; 28/04; 57/09 i 40/10), i člana 169. Zakona o upravnom postupku ("Sl. Novine Federacije BiH", broj: 2/98 i 48/99) i službene evidencije, na zahtjev "ALTERNATIVA" Privredno društvo za promet i usluge d.o.o. Sarajevo Porezna uprava Federacije BiH, izdaje:

UVJERENJE

Utvrđuje se da "ALTERNATIVA" Privredno društvo za promet i usluge d.o.o. Sarajevo, sa sjedištem u ILIDŽA, ulica PUT FAMOSA broj 38, pod identifikacionim brojem 4200378810004 na dan 05.01.2022. godine, prema poreznoj evidenciji NEMA OBAVEZA.

Porezni obveznik NEMA duga po osnovu javnih prihoda.

Porezni obveznik NEMA neizmirenih obaveza po osnovu prijavljenih doprinosa za penzijsko-invalidsko osiguranje i zdravstveno osiguranje.

Uvjerenje se izdaje u svrhu regulisanja učešća na tenderu i u druge svrhe se ne može koristiti.

Federalna upravna taksa/pristojba od 15,00 KM na podneseni zahtjev i izdato uvjerenje, naplaćena je i propisno poništena po tarifnom broju 1. i tarifnom broju 4. Tarife Federalnih upravnih taksi/pristojbi, odnosno oslobođen od plaćanja takse/pristojbe shodno članu 1, stav 1, tačka 1, Zakona o Federalnim upravnim taksama/pristojbama i tarif federalnih upravnih taksi/pristojbi („Službene novine Federacije BiH“, broj 6/98, 8/00, 45/10, 43/13 i 98/17).

DOSTAVITI:

1. Podnosiocu zahtjeva
2. n/a

ŠEF(ICA) POREZNE ISPOSTAVE

Senad Avdić, dipl.ecc., s.r.